

Quacksalber-Clique



1. Dr Arzt isch dä, wo Pflaschter sohlt
Im Baselbiet und d'Zyt verkohlt.
E jungi Kueh isch jedes Kalb,
E Hebamm' isch e Doggter halb.
's isch, Gottfried Schluß, en Affeschand,
Die Sauerei im Baselland.
2. In dr Eh' do trage hitte
D'Hosebay di beese Schlitte.
D'Chinese hän e lange Zopf,
Mode-n-isch jehz Bublikopf.
D'Giggel hän au dummi Piener,
Gueti Wybli trage friener.
3. 's goht e mänge-n-uff dr Schmuuß,
Maitli het's im Waisehuuß.
Fische kasch jo, wenn de witt,
In dr Laichzyt darffsch halt nit.
's fählt is e Regierigsrot,
Wo zur Zyt in d'Ferie geht.
4. D'Schugger dien enander no
Em Publikum der Grind verschloh.
Wär isch nit scho im „Schtärne“ gsy?
Me sirpset dert e guete Wy.
E stramme Ma isch d'Biggi Mülle,
Doch dr Wiesel kunnt in d'Wulle.
5. Jo, perseh, au d'D
Kenne sy die beschte Grischte.
Ledig blybe-n-alti Sinder,
Dr Storch bringt däne kaini Kinder.
Zrewärter, armi Raibi,
's mueß dr beschti Mensch verdaibe.
6. Mänge Ma wird wäge de Wyber
No zuem greeschte Abgotryber.
Großrotzmanne dien sich hitte
Wäge Bleedfynn ummeschtryte.
Labi-Welthardt, zwei Gelehrti,
Sin de Wyber hochverehrti.
7. E Sendstation kriegt Basel au,
Als hät me nit scho gnueg Radau.
Es het doch gwiß scho mänge Henne
Empfängnis gha au ohni Antenne.
Me dänggt halt: Fir dr Basler Schnabel
Do länggt jehz nimme 's lengschti Kabel.
8. Danket fir dr Ohreschmaus
Uns zuem Schluß mit viel Applaus.
Isch ain bileidigt? 's isch perseh
Aeggsi hitte ganz gärn gseh.
Isch das nit e Schnizelbank?
Jo, der Schnizler macht viel Gschtanf.